

Nikolić Dobrilo, geometar

Dana 1. marta 2001. godine umro je u Sarajevu naš kolega Dobrilo Nikolić, geometar.

Rođen je u Goraždu 1927. godine u uglednoj trgovačkoj porodici. U Goraždu završava osnovnu školu, a u Foči Trgovačku akademiju. Kao mladić učestvuje u završnim operacijama NOR-a pri oslobođenju Sarajeva, potom Zagreba itd.

Geodetsku školu završio je 1949. godine u Sarajevu. Iste godine počinje raditi u "Georadu", Sarajevo, a po ukidanju Georada prelazi u Geodetsku upravu NR BiH, u odsjek za izradu katastarskog operata – Sarajevo.

Osnivanjem Geodetskog zavoda u Sarajevu 1962. godine, zajedno sa svim operativcima iz uprave premješten je u Zavod, u kome ostaje sve do odlaska u penziju 1989. godine.

Svoj radni vijek proveo je uglavnom na terenskim radovima, a u zimskom periodu u kancelariji.

Radio je na poslovima: popisnog katastra, reambulacije, klasičnog premjera, fotogrametrijskog snimanja, izradi katastarskog operata, izlaganju podataka premjera na javni uvid, dopunskog premjera, provođenju promjena itd.

Za savjestan i besprijekoran rad odlikovan je ordenom rada.

Radeći gore navedene poslove prokrstario je cijelu Bosnu i Hercegovinu tako da bi lakše bilo navesti opštine u kojima nije bio, nego opštine u kojima je bio.

Sahranjen je na groblju Bare uz prisustvo rodbine, komšija i kolega.

Njegova supruga Velinka i sin Ljubiša sjećat će ga se sa ponosom kao dobrog i uzornog muža i oca.

Kolegama iz Geodetskog zavoda ostaje u uspomeni kao dobar, čestit pošten i plemenit čovjek i izvrstan geodetski stručnjak.

Neka mu je laka zemlja !

Radmilo Perišić